

﴿إِذْ قَالَ لَهُمْ لِأَنَّهُ يَوْمًا يَوْمٌ أَلَا تَشْكُرُنِي إِنَّ اللَّهَ كَانَ لَكُمْ عَذْمٌ﴾

"Yeroo Luqmaan ilma isaaatin osoo isa gorsuu, "Yaa ilma kiyyl! Rabbitti waa hin qindecassin, dhugumatti shirkii zulmii guddaadha." jedhe [yaadaduh.]"

ԱՊՐԵԼԻ ԽՈՎԱՅԻ ՏՐՈՒՅՆՈՒՄ ԱՄՐԻ. ԱՅՀ ՄԵ! ՈՒԽՍ ԽՄԴԵ. ՊՐԵԴԵ  
ԺԱՓ ՈՒԽ ԽՈՎ ՔԱՐՄԵ ԽԱԽՄՈՒՅԻ:

Al-Qur'aan, Suratu Luqmaan 31:13

Hijka Shirkii

## Description

Kutaa darbe keessatti dubpii iimaana diigu jalqabnee turre. Wanta iimaana diigu fi balleessu keessaa tokko shirkiidha jennee jirra. Mee har'a hiika shirkii haa ilaallu.

**Akka lugaatti:** *Shirkii jechuun hirmaataa (qooda fudhataa) godhachuudha. Kana jechuun tokko kan biraatiif hirmaataa (shariika) akka ta'etti ilaaludha.*

“????? ? ???? ???? ?????? ? ?? ?????? ?? ?????? ?? : ?????? ?????? ???? ?? ?????? ?????? ?????? ?????? ????  
*Know – may Allaah guide you – that the word shirk in Arabic means taking a partner, i.e., regarding someone as the partner of another.”*

Gara Afan Oromootti yommuu deebisnu, hiikni dhiyoон shirkii: “itti qindeessu, hirmaachisu, wanta tokkoof qooda gochuu” ta’ a.

**Akka shari'aatti immoo shirkii jechuun Rubuubiyyah (Goftummaa) ykn ibaadaa ykn maqaalee fi sifaata Isaa keessatti Rabbii olta'aaf shariika (qooda fudhataa) ykn dorgomaa, fakkaataa fi qixxaataa gochuudha.** [1] (Shirkii rubuubiyya keessatti, shirkii ibaada keessatti, fi shirkii maqaalee fi sifaata keessatti yommuu ilaallu caalatti kuni ifa nuuf ta'a.)

Namni amaloota Rabbiif qofa ta'ee wanta biraatiif godhe inni mushrika (nama shirkii hojjateedha.) Kanaafu, hundeen shirkii fakkeessuu fi fakkaachudha. Ibn Al-Qayyim ni jedha: **Haqiqaan shirkii: Khaaliqatti of fakkeessuu fi makhluuqa (uumamaa) Khaaliqatti fakkeessudha...**" (Jawaabul Kaafi-326)

Mushrikni amaloota Gabbaramaa (Rabbii) qofaaf ta'e keessatti makhluuqa Khaaliqatti fakkeessa.

## **Amaloota Gabbaramaa (Rabbii) keessaa:**

1-Aangoo rakkoo buusu, fayyaduu, kennuu fi dhoowwachuu irratti adda ta'uu. Kuni kadhaa, sodaa, abdii, tawakkula Isa qofarratti akka rarraasan nama taasisa. Namni wantoota kanniin uumamtootatti rarraase, makhluuqa Khaaliqatti fakkeesse. Fakkeessun hunda caalaa fokkuu ta'e, wanta mataa isaatiin

dadhabaa hiyyeessa ta'e Danda'aa Zaata Isaatiin Dureessa ta'etti fakkeeessudha.

2-Amaloota gabbaramaa qofaaf ta'an keessaa tokko ***gara hundaan guutuu ta'uudha***. Gara kamiiniyyuu hir'inni Isa keessa hin jiru. Kuni ibaadan hundi Isaa qofaaf akka ta'uu dirqama godha. Ol-Guddisun, garmalee kabajuun, sodaan, du'aayin (kadhaan), abdachuun, tawbaan, tawakkulli, gargaarsa barbaadun, jaalala guutuu waliin gadi of qabuu guutuun, kunniin hundi sammuun, shari'aa fi uumamaan (fixraan) Isa qofaaf ta'uu qabu. Isaan ala wanta biraatiif ta'uu irraa ni dhoowwama. Namni ibaadaa kanniin keessaa wanta tokko Isaan (Rabbiin) ala kan biraatiif godhe, wanta bira a kana fakkaataa Kan hin qabneetti fakkeesse jira. Kuni fakkeessu hundarra fokkuu fi soba ta'eedha.

3-Amaloota Gabbaramaa qofaaf ta'an keessaa: ibaadaa miila lama irratti dhaabbate wanta biraatiif gochuudha. Isaanis: of xiqqeessu daangaa ol'aanaa irra gahe fi jaalala daangaa ol'aanaa irra gaheedha. Kuni ibaadaan guutuu ta'uudha. Namni jaalala [daangaa ol'aanaa irra gahe], of xiqqeessu fi of qadi qabuu Rabbiin ala wanta biraatiif kenne, haqa Isaaf qulqulluu ta'ee keessatti Isatti fakkeesse.

4-Amaloota Gabbaramaa qofaaf ta'an keessaa sujuuda. Namni Rabbiin ala wanta biraatiif sujuude, makhluuqa Rabbitti fakkeesse.

(5-Amaloota Rabbii olta'aa qofaaf ta'an keessaa wanta tokko dhabama irra argamsiisuu fi uumuudha. Namni wanta Rabbiin qofti uumuu makhluuqni ni uuma ykn wanti suni ofiin of uumee jedhe, makhluuqa Khaaliqatti fakkeesse jira.)

Ahmad Ad-Dahlawi akkana jechuun dubbata: "Haqiqan shirkii, namoota keessaa kanneen ol guddifaman garii keessatti "Bu'aan ajaa'ibaa nama ol guddifamu kanarrraa argame sababa inni amaloota guutuu sanyii nama keessatti hin beekamnee qabuuf" jedhee namni tokko amanuudha. Amaloonni guutun kunniin Rabbii olta'aa qofaaf kan ta'aniidha, Isaan ala kan bira a keessatti hin argaman. Garuu namni amaloota kanniin nama ol-guddisuu kanaaf gochuun gadi of xiqqeessu guutuu isa biratti gadi of xiqqeessa, hojii gabroonni Rabbiif hojjatan innis nama kanaaf hojjata. (Akkuma gabroonni Rabbiin gabbaran innis isa gabbara)"\*

(Dhugumatti, namoonni Rabbiin ala wanta bira a gabbaran (waaqefatan) wanta gabbaran san Rabbiin olta'aatti fakkeessani jiru. Akkuma keeyyata armaan olii irraa hubannu, namni Rabbiin ala wanta bira a gabbaru, amaloota Rabbii tokkicha qofaaf ta'an, wanta gabbaruu saniif godha. Kanaafu, isa kadhatu, gadi jedhaaf, of gadi xiqqeessaaf, qalma qalaaf, silati seenaaf, ibaadaa biroo hojjataaf.


Fakkeenyaaaf, ilma dhiiraa namaaf kenu kan danda'u Rabbiin olta'aa malee hin jiru. Ilma dhiiraa uumun wanta Rabbiin qofti hojjatuudha. Namni ilma dhiiraa dhabe tokko, waliyyi ykn malaykaa ykn nabiyii irraa "Yaa ebalu ilma naaf kenni" jedhee yoo kadhatu, dhugumatti mahkluuqa Khaaliqatti fakkeesse ykn wal qixxesee jira. Sababni isaas, namni kuni "Akkuma Khaaliqni ilma dhiiraa namaaf kenu, namni inni kadhatu ilma dhiiraa kenu ni danda'a" jedhee amanaa jira. Dhugumatti, kuni Rabbiin olta'aaf shariika ykn qixxaataa ykn fakkaataa gochuudha. Kuni hojii fokkuudha. Kanaafi, warri shirkii hojjatan akkana jechuun ibidda keessaa iyyu:

﴿تَاللَّهِ إِن كُنَّا لَفِي ضَلَالٍ مُّبِينٌ ﴾١٨ إِذْ نُسَوِّيْكُم بِرَبِّ الْعَالَمِينَ

**Rabbiin kakanne! Dhugumatti jallinna ifa baahaa keessa turre, yommuu Gooftaa aalamaatti isin qixxeessinu.” Suuratu Ash-Shu’uraa 26:97-98)**

Kuni hundi gama fakkeessutiini.

Gama Isatti of fakkeessutti (umamaan Uumatti of fakkeessutti) yoo dhufne immoo- namni of ol guddisuu fi of tuuluun, haala daangaa darbeen namoonni akka isa jajan, ol guddisan, abdatan, sodaatan, gargaarsifatan, qalbii isatti rarraasan, isaaf gadi jedhan isaan waame, Rabbitti of fakkeesse, Gooftummaa fi ibaadaa Isa keessatti Isaan morkatee jira. Fakkeenyaf, Fira'awni akkana jechuun uummata isaa waame:



**“Ani gooftaa keessan ol’aanadha’ jedhe”** Suuratu An-Naazi’aat 79:24

Akkuma Ergamaan Rabbii (SAW) jedhan: **Guyyaa Qiyaamaa namoonni hundarra adabbiin cimaa ta'an, namoota suuraa kaasaniidha. Isaaniin ni jedhama: wanta uumtan jiraachisaa.**" Kuni hojjachuu qofa keessatti Rabbiitti of fakkeessudha. Namni harka isaatin suuraa kaasu garmalee kan adabamu erga ta'ee, Gooftummaa fi ibaadaa keessatti Rabbitti of faakkessun hoo akkam ta'inna laata?[\[2\]](#) (Namni namoonni akka isa gabbaranii fi gadi jedhaniif barbaadu haalli isaa akkam ta'inna laata?)

## Gosoota shirkii

Shirkiin gosoota baay'ee qaba. Kanaafi, Aalimman (beektonni) shirkii bakka adda addaatti qoodanii jiru. San keessaa wanta iimaamu ibn Al-Qayyim kaase eerun ni danda'ama. Shirkiin gosa lama: 1ffaan-Shirkii Zaata, sifaataa fi hojiiwan Rabbiitiin wal qabateedha. 2ffaan-shirkii ibaadaan wal qabateedha.) (Al-Jawaabul Kaafi 309-310)

Shirkiin jalqabaa rubuubiyyah (Gootummaa), maqaalee fi sifaataa Isaatin wal qabata. Kan lammataa immoo shirkii uluuhiyyah (ibaadan) wal qabatuudha. Kanniin hundaa hiika isaa ni ilaalla.

Kuni ifa erga nuuf ta'e, Islaama keessaa baasu fi baasu dhiisu irratti hundaa'e shirkii bakka lama gurguddaatti qoodun ni danda'ama. Isaaniis: "Shirkii guddaa fi shirkii xiqqaan"

**Shirkiin guddaan:** Zaata Isaa keessatti ykn maqaalee fi sifaata Isaa keessatti Rabbiin waliin shariika ykn fakkaata, dorgomaa, qixxaata gochuudha. Yookiin wanta Rabbiin qofti haqa godhatu garii keessatti wanta biraan Rabbiin wal qixxeessudha.

Yookiin akkana jedhamuun ni danda'ama: shirkiin guddaan- namni tokko rububiyyah (Gooftummaa) ykn ibaadaa ykn maqaalee fi sifaata (amaloota) Isaa keessatti Rabbiif nidda (dorgomaa, qixxataa,

---

fakkaataa) gochuudha. Shirkiin guddaan kuni tawhiidan wal qabachuu irratti hundaa'e bakka lamatti ramadama:

**Ramaddii 1ffaa-** Shirkii Zaata, sifaataa fi hojiwwan Rabbiitiin wal qabatee. (Rubuubiyyah, maqaalee fi sifaata keessatti shirkii)

**Ramaddii 2ffaa:** shirkii ibaadaan wal qabatee. (Ibaadaa keessatti shirkii)

**Shirkiin xiqqaan** immoo shirkii guddaa gadi yommuu ta'uu, kan akka riyaa (na argaa) hin baay'annee. Shirkiin guddaan Islaama keessaa guutumatti kan nama baasu fi iimaana diigudha. Shirkiin xiqqaan immoo Islaama keessaa nama hin baasu. Garuu badii gurguddaa keessaayyi.[\[3\]](#)

In sha Allah kutaa itti aanu keessatti "Rubuubiyyah (Gooftummaa) keessatti shirkii jechuun maal jechuudhaa?" kan jedhu ni ilaalla. Tokkoon tokkoon wantoota armaan olii yoo ilaalle, waa'ee shirkii siritti hubataa adeemna.

---

### **Maddoota wabii:**

[1] Arabic: <https://islamqa.info/ar/answers/34817/7> ,

English: <https://islamqa.info/en/answers/34817/what-is-the-true-meaning-of-shirk-and-what-are-its-types> , Ash-Shirku fiil qadiimi wal hadiisi-fuula 113-115,121,126 Abu Bakr Muhammad Zakariya

[2] [Ash-Shirku fiil qadiimi wal hadiisi](#)-fuula 127-129 Abu Bakr Muhammad Zakariya

[3] Ash-Shirku fiil qadiimi wal hadiisi-fuula 140-173 Abu Bakr Muhammad Zakariya

\*["Nawaqidul Iimaani al-qawliyah wal amalyah"](#) fuula 285, Abdulaziz bin Muhammad

### **Date Created**

April 3, 2020

### **Author**

admin